



臨證醫案筆記目錄

第六卷

雜證

小兒諸證

種痘法

人淺真偽辨

臨證醫案筆記卷之六

如臯吳 麓渭泉著

男 丙輝燮堂
恩照耿齋 恭校
後學曹炳章赤電校刊

雜證

制軍溫慎餘夫人面赤多熱時以開水搥布擦臉為快脉浮弦數此肝虛血燥心肺蘊熱經曰
肝熱病者左頰先赤心熱病者頰先赤肺熱病者右頰先赤其喜熱水熨面者緣頭面皮膚
有風藉熱氣以散之也當進八味逍遙散加白芷甘菊淡竹葉燈心以養血疏肝則頭面風
熱自散矣

皖臬富竹泉右頸中間連生三核腫痛處如杯大余曰六脉洪數似成馬刀使瘰癧之象外證
非余所善速延瘍科醫治遲則核破可虞廉訪固求治之遂令服真人活命飲外敷金黃如
意散中核腫突破頭用茅草灰方搭之貼以膏藥其小核以圍藥鐵井欄箍之並用敗毒托
補之劑流出膿血十餘碗兩月而安

口瘡

秦 口瘡三月糜爛惡臭不能喫食問其每飲茶湯喜熱惡冷噉出臭味餽腐酸胖六脉細弱
形困氣倦乃思慮勞傷肝脾鬱結寒水乘心火不歸原非胃熱實火也即用八味地黃湯引
火歸原自可見效

口舌

巴京卿云口舌生瘡糜爛久服苦寒之藥並搭黃連散俱無效余曰脉虛遲濇此勞傷心脾逼起無根之火而非實熱也宜投理陰煎反治之外用官桂噙嚙自效

松將軍舌下腫出如舌脹滿痛硬飲食不進余云此為重舌又謂之子舌皆因心火上炎熱壅舌根故也當用砭針刺去其血用蒲黃冰片為末常刷舌上次早腫畧退能嚙唾惟舌赤而硬仍以針刺出紫血即以黃連煎汁細細呷之專瀉心火旋服清胃降火之劑而腫消舌軟如常矣

唐 口舌生瘡滿口牙齦腫爛脉浮洪數係上焦積熱陽毒熾盛也外用寒水石牙硝硃砂冰片黃連胡黃連黃柏青黛為末搭之內服鹹寒苦甘之藥以瀉上中二焦實熱使熱清火降則腫消而痛止方用 連翹 大黃 甘草 梔子

黃芩 薄荷 生地 黃連 石膏 竹葉

眼目

京卿陳伯恭視物昏化翳膜遮睛痛濇眵淚診脉浮數此肝肺停留風熱風邪所乘熱氣上攻故翳障目溢多淚宜服八味還睛散自痊

白蒺藜 防風 甘草 木賊 山梔仁 各七錢 草決明 一兩

青箱子 二錢 蟬退 二錢 右炒為細末每服二錢食後麥冬湯調服

侍御張船山兩目昏暗眵淚羞明左關浮大弦數係肝經風熱上攻於目即用蜜蒙花散加黃

連黃芩枳殼以散風清熱而磨翳障

蜜蒙花

羌活

白蒺藜

木賊

石決明

各一兩

甘菊

三兩

黃連

黃芩

枳殼

各五錢

炒為細末每服二錢食後清茶調下

刺史徐約之久患目疾漸至昏如霧露眼前黑花余視其瞳子并無熱雍遮隔惟珠色青藍微兼綠色脉虛弦數皆由房勞過度真陰肝腎虛損水虧血少陰火上升以致神水散大瞳子無光綱目謂其有翳在黑暗內遮瞳子而然也當服石斛夜光丸滋養肝血而壯腎水若不戒房悖加意清心保惜恐有失明之虞憶道光五年余起病進京晤查君小山雙眸全瞎嗣一月後見其目明如故問如何得愈據述延有河間李姓者令茹素居於淨室關閉不通風氣以布纏頭用井水常澆頭面七日後用針在黑珠裏面撥刮問我看見人物否答以不甚明晰隨又撥刮越刮越明亦不甚疾竟獲全明余面詢李君何以神奇如此伊云得異人指授相傳六代只能治好目失明而不能治胎瞎久瞎亦不會醫治目疾余按龍木禪師論瞳子內障聞有巧手妙心能用金針於黑珠內撥去雲翳取效最捷此雖聞之而實未見其人乃於查君處竟獲見此奇術惜秘而不傳故筆之以俟後之賢者留心訪習焉

范見田雙目赤腫隱澁難開翳膜遮睛診左關浮數係肝經風熱毒氣上攻以致於肉赤爛內外翳障即用蟬花散以散風清熱

耳證胡司馬述兩耳重聽多年時聰時沉每服補藥及食辛辣熱物或大便燥結即耳閉目眩且耳響如風雨聲時得大便溏瀉乃聰余診脉浮大滑數係肝火上千肺胃痰飲停滯中焦且目為肝竅胆脉絡於耳二經火盛故目眩耳聾先服當歸龍薈丸通平上下三焦之火兼以行氣通竅使諸經之火漸平即宜滋陰壯水或可稍聰但暴聾多易治久聾者難為力耳韓刺史兩耳常鳴忽聲閉不通脉虛弦數係真陰腎水不足肝經血虛氣逆虛火上乘壅塞清道所致經曰肝病者耳無所聞氣逆則耳聾不聰所謂浮而聾者皆在氣也宜晨服六味地黃丸加歸芍遠志石菖蒲活磁石壯水以制陽光填陰以鎮逆氣暮服四物湯加山梔柴胡木香石菖蒲以養血清火疎肝順氣而閉者自開矣

鼻病觀察張菊洲來函云向來鼻流濁涕每晨起即打噴嚏數十甚至百餘治已漸止秋氣甫動忽而大發余復曰想係肺金虛熱腠理不密每遭涼受熱邪氣襲入皮毛山根氣道阻塞故有噴嚏時流濁涕也大都鼻病無他非風寒外感則內火上炎如外感者宜服蒼耳散以散風熱內熱者當用清化飲以清陰虛諸火

瑚都統鼻流濁涕臭不堪聞脉浮數大此因過飲酒醴嗜食肥甘熱物火由寒鬱以致濕熱上薰津汁溢而下離經腐敗故作臭名為鼻淵又名腦漏是也宗河間用防風通聖散一兩加薄荷黃連各二錢以治之

戴鼻流濁涕不止診脉浮數乃風熱燔腦血液下滲而然經曰腦滲為涕又曰胆移熱於腦

則辛頰鼻淵鼻淵者濁涕下而不止也宜服蒼耳散使清升濁降風熱散而腦液自固矣

米云久得鼻淵頭腦隱痛眩暈不清服清火散風藥不效余曰脉沉細弱乃營衛不足精氣

虧損鼻淵雖為熱證然流滲既久即火邪已去而流仍不止以液道不能固也故新病者

多由於熱久病者非盡為熱症按此非峻補氣血不可即用大補元煎以速培本元

吳鼻生瘰肉不聞香臭予曰鼻為肺竅氣清則鼻通氣熱則鼻塞今脉浮數大是濕熱壅盛

蒸於肺門故生瘰肉猶濕地得熱而生芝菌也內宜散風清火外用枯礬為末加硃砂少許

吹鼻中或以綿胭脂裹塞鼻中數日即能消化

辛夷

白芷

升麻

細辛

川芎

甘草

木通

黃芩

梔子

等分為末每服三錢以清茶調下

陳面生酒皰赤鼻右寸浮數此好飲過甚濕熱乘肺薰蒸面鼻血熱風燥之故內宜清火涼

血外用白礬硫黃乳香等分為末棉裹擦之或用茄汁調敷患處更妙

生地

芍藥

丹皮

地骨皮

石斛

麥冬

黃芩

炒山梔

茯苓

聲痞廣

音啞無聲欬嗽痰喘脉虛細數乃陰虛勞怯精竭而移稿於肺肺燥久嗽而為痞也宜單

用燕窩煨爛食之或用百合丸然勞損已成全在清心保養常病延年徒恃藥餌無益耳

百合

百藥煎

甜杏仁

去皮

訶子

改仁等分

右為末雞子清和丸彈子大臨卧嚙化或用蜜丸亦可

蔡 右寸浮數而滑係風寒襲於皮毛則熱鬱於內肺金不清閉塞喉竅致為聲瘖宜投六安煎加桔梗蘇葉前胡以散之外用蘿蔔搗自然汁入薑汁少許時時細飲之自效

喉痺阿

咽痛項腫延及頭面頸項俱腫煩熱作渴飲水難入脉浮洪數此染天行瘟疫之氣邪熱壅其上攻頭項而為瘟疫喉痺最凶之候急用普濟消毒飲以清諸經火毒兼瀉陽明之熱服三帖其頭項腫痛盡消隨用清咽降火之劑乃痊按瘟疫喉痺燕都北方尤多余每遇斯症皆用東垣普濟消毒飲無不應手奏效

咽喉

那

咽喉左邊紅腫圓突如珠余曰脉浮數大此為單乳蛾乃癰癰之類緣過食熱物烟酒之毒結於喉間故多至出毒即宜刺出其血內服清火敗毒之劑外以加味二連散頻吹遂如法治之而愈

馬 咽喉痛塞喉嚨滿片紅腫脉洪滑數乃係纏喉風症多不成膿不必刺血即服抽薪飲加山豆根元參射干以清熱降火外以玉鑰匙吹之煩熱作渴用雪梨汁及萊菔湯任意食之其腫自消

沈滿喉紅腫生瘡脉虛細數此喉癰之疾皆由陰虛勞損水虧虛火上炎所致即服知柏地黄湯并用牛黃益金散吹敷之以冀漸痊

劉咽喉時痛口燥舌乾唇焦牙疼津短煩渴痰嗽多噎診脉虛弦數乃腎水虧損真陰失守虛火上炎致成陰虛喉痺之疾即以六味地黄湯加貝母冬蟲夏草膠艾貞子壯水以制陽光而咽喉口舌自清矣

胡患喉痺三月醫者用清咽降火之藥不效反痰多食減腹瀉怕冷倦怠氣怯余曰脉弱沉細係勞傷過度陽虛氣竭火不歸元則無根之火客於咽喉乃格陽喉痺上熱下寒也即投鎮陰煎冷服並用蜜附子含嚥以冀漸痊

范子舟乃郎魚骨刺於喉中飲食難入延余視之曰用藥無益即強令其飽食以指探吐當借飲食之勢通而吐之使之上出則如拔刺之捷也遂如法服食得吐而愈古云諸物哽於喉中或刺或骨必有鋒芒之逆所以刺而不下凡下而逆者反而上之則順矣方書云若芒刺既深必欲推下非惟理勢不能必且遲延或飲食既消無可推送以致漸腫則為害不淺矣凡諸骨哽以錫糖一大塊滿口吞而嚥之或用韭菜煮煮勿切吞下一束即裹而下亦妙

宗室晉公云牙齦浮動常疼發時服散風清火藥無效余詢其齦痛而牙床不腫嚼物則浮突不寔易於搖動脉虛弦數此先天稟虧腎虛牙齦不固非風火蟲病也宜進六味地黄丸加

骨碎補自效 張景岳云種齒之法古有晨昏叩齒之說雖亦可行然而谷谷震動終非盡善之道余每因勞因酒亦嘗覺齒有浮突之意則但輕輕咬寔務令漸咬漸齊或一二次或日行三四次而根自固矣又凡於小解時必先咬定牙根而後解則腎氣亦賴以攝非但固精亦能堅齒故余年逾古稀而齒無一損亦大得此二方之力

金丹全書云今人漱齒每以早晨是倒置也凡一日飲食之毒積於齒縫當於夜晚刷牙則垢穢盡去齒自不壞故云晨漱不如夜漱此善於養齒者今觀智者每於飯後必漱則齒至老老堅白不壞斯存養之功可見矣

衡 牙床腐爛右關弦數此熱毒蘊蓄致成走馬牙疳謂之走馬者言其急也宜用清胃飲內瀉陽明之火兼以綠豆飲常服之外用冰白散搽之並宗丹溪法曰用乾北棗燒存性同枯白礬數之自效遲則防其齒牙脫落難治也

屠 牙床肌肉間腫痛糜爛右關滑數乃烟酒不節過食肥甘厚味以致濕熱蓄於腸胃而上壅於經宜服加味清胃散以清火邪並暫戒烟酒甘膩諸物

查 蟲牙疼痛不已按其病不在經而在牙皆由肥甘濕熱化生牙虫以致蝕損蛀空牙敗而痛當服抽薪飲外用藜蘆為末塞牙孔中勿令嚥汁有涎吐之

癲狂 孝廉戴節夫十三歲時得羊癲風已五十年矣每發時神志昏迷數日方甦診脉虛滑弦數係

先天不足神氣未定為驚怖所觸以致氣逆痰滯壅閉諸經故生癲疾宜先投服靈煎以行心肝二臟滯氣開心竅清虛痰使正旺痰除繼以薛氏紫河車丸峻補先後天二本虧敗待其元氣來復嗣伊母急要見功令服攻痰剋削之劑不半載而歿文端公止生孝廉一人又少亡無後良可哀也

初太史乃郎完娶日新人進門時忽狂笑不止甚至眼斜神呆言語顛倒是夜未能成婚按脉洪滑數此緣新婚妄喜痰火相凝格塞心竅故舌本強而笑不休也即服滌痰湯以開竅通心祛痰瀉火後視其脉變弦急昏迷狂亂已成癲疾之象想係前世孽病非藥力所能治也張孝廉說兄弟素性多疑因屢試不售得癲病年餘且不知有男女之道終日作鬧余曰心肝二脉弦急此謀為失志鬱結在心屈無所伸怒無所洩使然宜用苦參為木蜜丸桐子大每服三錢並用苦參羚羊角煎湯頻服以瀉心肝邪熱嗣聞其如法服之雖癲疾未能全除而得生數男亦快事也

辛中
煤毒

何 晚餐後驟然叫喚呻吟懽懽欲絕視其頭卧炕門煤火旺極昏然不知人事脉洪大滑疾此食填上脘先感寒邪復中煤毒所致即令移卧涼屋用甜瓜蒂赤小豆為末以酸漿水灌之少頃吐宿食數碗人即甦醒次晨投以藿香正氣散而瘥

閻學翁潭溪年逾古稀兩手顫動不能捉筆食減痰多診脉沉遲細此陽衰氣怯脾寒停痰且

肺主肢節虛則痰滯食少兩手軟短而發顫也宜用補中益氣湯加熟附薑黃益智仁石菖蒲益氣溫中兼進六君子加桂附歸芍服之頗效後以此二方加減參合為丸服至六觔飲食如常手亦能握管作書矣

同里陳肖生工畫僑寓京師患臂痛痠麻兩手軟短不能舉動余診之曰左手弦急右手遲細由於肝血不足脾濕氣虛風寒之邪乘虛襲臂邪氣相搏致手軟而不為人用也即投蠲痺湯以入手臂而祛寒濕遂服數劑甚效更以補中益氣湯加桂枝薑黃威靈仙桑枝兼用十全大補湯調理兩月乃瘥

侍郎李小松云心中怏怏動搖不得安靜無時不作余曰左寸浮大而散此由遇事煩沉用心太勞每一經思慮便覺跳動皆心血不足似成怔忡之恙治法當用清鎮湯以養心血調心氣兼清熱豁痰自效

茯神

硃砂拌炒

遠志

石菖蒲

棗仁

柏子仁

石蓮肉

當歸

生地

貝母

麥冬

胆星

臨川大尹賴虹橋左寸虛數兩關弦滑此心血不足虛火熾甚則火鬱痰生痰火相搏而為怔忡之疾當先用二陳湯加石菖蒲黃連山梔竹瀝薑汁以清火化痰繼以安養心血之劑乃痊皖藩將調元緣被議後慕然驚惕時動虛煩嘔涎體倦自汗坐卧不安診脉弦滑數由於心虛胆怯氣鬱生涎外有所觸憂鬱恍惚虛火上冲故心下築築然跳動而成驚悸之症即用溫

胆湯加羚羊角菖蒲麥冬兼以加味歸脾湯調理半月乃安

黃東坡末館選時體質素弱苦志研摩驟然心胸築築振動恍惚惶惕無時得安診脉大虛數由於勞心太過耗心血神志不靜致有驚悸不寐之恙當投柏子養心丸間用天王補心丹並用猪心一個劈開入硃砂末於內紙包煨熟食之

健忘

撫州太守邱滋奮云少時記心尚可適來遇事多忘且食少不眠精神短少難支余曰脉弱遲細緣勤政勞心思慮過度心血不足則記前失後命火元陽不充故眠食不安且年已半百皆氣血漸衰所致宜服歸脾湯間用人參養榮湯服之甚效後用十全大補湯並八味地黃丸峻補氣血調攝數月而安

賴縣大尹龍肅齋常患目疾嗣多健忘診脉虛弦數乃勞心太過心肝血虛精神散越致遇事善忘也宜服養心湯間用歸脾湯以龍眼肉熬膏為丸常服而愈

太息

南昌太守楊星園被議後忽忽不樂終日嗟嘆余診左關弦勁右脉細濡由於心脾拂結肝氣失調故善太息不宜補劑及閉氣之品當進調息散加合歡皮萱草以蠲然忘憂使心脾調和則五臟自安神明自暢而歡樂無憂矣

蘇子

鬱金

降真香

橘皮

甘草

砂仁

當歸

元胡

香附

合歡皮

萱草

周二尹署奉節縣事嘉慶二年夏間值各帥追勦賊匪至夔府時有索倫兵弁擁至奉署需索夫馬過站不遂該兵弁非常糟蹋伊既受其大辱又怕誤差即行投繯該家屬赴府稟知前情予即先往視其縊於牀架身猶未冷急令輕輕抱起解繩切勿割斷繩索安放平坦手裏衣物緊塞穀道不令洩氣提髮向上揉其項痕捺圖喉管脚踹兩肩二人將筆管入耳內不住口吹氣不住手按摩胸前刺難冠血滴口中以皂角末搐鼻即得呼吸眼開甦醒後用官桂湯及粥飲與食以潤咽喉竟獲救活渠係短見自愧難以戀棧討解湖北餉差適該省大獲勝仗經大帥附片保其撻濟糧餉竟以知府并用旋升補夔府伊慮無子嗣缺繁又難以展布仍憂鬱而逝按其縊而得生復超擢美缺自係福命之厚又不久而歿種種皆奇造化弄人真同黃梁一夢耳

雜症諸劑

官桂湯

肉桂

乾薑

製半夏

厚朴

陳皮

甘草

真人活命飲 治一切癰疽腫毒初起未消者

金銀花

陳皮

當歸

防風

白芷

甘草節

貝母

天花粉

乳香

沒藥

皂角刺

穿山甲

用好酒煎毒在上飽服在下飢服善飲者多飲酒以行藥勢忌酸物鐵器 酸性收斂凡藥多忌鐵

加味金黃如意散 治一切瘡瘍無名惡毒及跌撲傷損火丹天泡肌膚焮赤壅腫乳癰丹毒癰瘡等症

天花粉半兩 川大黃

薑黃

白芷

川黃柏各四兩 厚朴

生粉草

陳皮

蒼朮

天南星各一兩六錢

生半夏

黃芩各一兩

樟腦

雄黃各五錢

共為細末收貯勿令泄氣以清茶同蜜少許調藥如糊如半陰半陽惡瘡加燒酒調敷凡敷瘡只瘡四圍中留錢孔使毒氣外出乾則易之

神效茅草灰方 治一切瘡瘍腫毒頑惡諸瘡癰疽發背疔瘡對口用之未成膿者內消已成膿者即潰真止痛消毒提膿之聖藥也此休寧汪家秘不肯傳經胡姓窺知而竊焉因屢用屢效百發百中故錄以傳之

茅草灰

一錢 真輕粉 二錢

真麝香

五分

明雄黃 一錢五分

共研細末以磁瓶收貯勿泄香氣將患處中間以針挑破搽上此藥外貼膏藥消腫提膿拔毒自瘡起至收口始終只用此藥無有不效 取灰之法用屋上陳爛茅草燒灰乘火未熄

盛入竹筒塞口存性按屋上敗茅草多受雨露霜雪之氣其性寒而解毒兼能燥濕故也
秘傳圍藥鐵井欄 敷一切惡毒即收斂消腫神效

牛糞灰 晒乾燒灰用新磁罐盛之乾處加倍用 鐵線草 草烏

文蛤 白芨 白欬 貝母心 陳小粉炒極黃色 各等分

右為末用高醋熬熟調藥如糊敷瘡四圍中留錢孔以出毒氣乾則易之瘡勢惡甚者用飛
龍奪命丹等藥出汗無不效

石斛夜光丸 石斛 人參 生地 熟地 麥冬

天冬 茯苓 防風 草決明 黃連 犀角

羚羊角 炙草 川芎 青箱子 枳殼 牛膝

五味子 山藥 白蒺藜 肉蓯蓉 杏仁 枸杞子

兔絲子

菊花

蟬花散 蟬退 甘菊 穀精草 羌活 白蒺藜

甘草 草決明 梔子 蜜蒙花 防風 荊芥穗

蔓荊子 木賊 川芎 黃芩

蒼耳散 白芷 薄荷 辛夷 蒼耳子 為末葱茶湯調下